

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A ASOCIACIÓN ÉRGUETE PREVENCIÓN E INTERVENCIÓN EN CONDUTAS ADITIVAS

1.- O Decreto 136/2024, do 20 de maio, establece a estrutura orgánica da Consellería de Presidencia, Xustiza e Deportes. No exercicio das súas competencias, correspóndelle a elaboración, proposta e execución da política do goberno galego en materia de Xustiza e entre os seus obxectivos está o de promover actuacións en colaboración con institucións sen fins de lucro, no marco das competencias en materia de asociacións e fundacións.

A Consellería de Presidencia, Xustiza e Deportes, no exercicio das súas competencias, está a desenvolver diferentes actuacións encamiñadas a lograr o efectivo achegamento da Administración aos cidadáns. Entre outras actuacións, colabora para solucionar situacións sociais problemáticas, ben directamente ou cooperando con institucións dedicadas a proporcionar apoio e prestar determinados servizos aos cidadáns carentes de capacidade para facer fronte ás súas necesidades persoais.

2.- **Antecedentes:** A Asociación Érguete está a desenvolver o programa de Formación e Integración Social (PFIS), destinado a persoas con problemática legal (delincuentes primarios en período de suspensión de condena ou en circunstancias susceptibles de acceso ao Programa, cun baixo índice de perigosidade ademais de cun nivel medio-alto de motivación para o cambio). Este programa, que nace en resposta a unha demanda técnica da Sección 5ª da Audiencia Provincial en Vigo e da Fiscalía, co obxecto de articular unha ferramenta de auxilio xudicial para delitos menores ou primeiros delitos, servindo como alternativa á prisión nas concesións de suspensión de condena.

O PFIS aplica metodoloxías de intervención de recoñecido éxito, validadas por estudos das Institucións Penitenciarias e centros universitarios:





- **Violencia de Xénero:** A través do taller REGENER@R e o programa PRIA-MA, alcánzanse taxas de reincidencia de entre o 4,6% e o 6,8%, fronte ao 20% habitual sen tratamento.
- **Seguridade Vial:** O taller TASEVAL demostrou que os participantes reducen a súa probabilidade de reincidencia vial (12,36%) de xeito significativo en comparación con outros Traballos en Beneficio da Comunidade (14,44%).
- **Xustiza Restaurativa:** A implantación de Diálogos Restaurativos en centros como o CP A Lama e CP Teixeira, favorece a asunción de responsabilidade e a reparación do dano, reducindo o interese en volver delinquir ata nun 72%.

A intervención permite detectar e atallar en estadios precoces as condutas que levan á exclusión, impedindo o seu agravamento. Isto non só mellora a seguridade cidadá e a convivencia en Galicia, senón que supón un aforro de custos públicos asociados aos procedementos xudiciais e ao internamento penitenciario.

O obxecto da Asociación Érguete é destinar e afectar o seu patrimonio á realización, sen ánimo de lucro de fins de interese xeral para a comunidade, encamiñados a inserción socio-laboral de persoas con especial dificultade de integración na sociedade. En particular a entidade promoverá todas aquelas accións que respectando as disposicións legais existentes, fomenten a formación profesional, a reeducación, a reinserción social e alfabetización dos colectivos marxinais dentro da Comunidade Autónoma. Para a consecución destes obxectivos, a consellería de Presidencia, Xustiza e Deporte ven colaborando ao longo dos anos coa Asociación Érguete.

3.- Finalidade: Para os efectos sinalados, tense previsto formalizar coa Asociación Érguete o instrumento convencional arriba referido por un período de vixencia que abrangue dende a súa sinatura ata o cumprimento, polas partes, dos deberes





asumidos. En ningún caso excederá do 31 de decembro de 2026.

4.- **Obxecto:** O convenio ten por obxecto establecer as condicións polas que se rexerá a colaboración entre a Consellería de Presidencia, Xustiza e Deportes e a Asociación Érguete Prevención e Intervención en Condutas Aditivas, para continuar coa colaboración na realización durante o ano 2026 do Programa de Formación e Integración Social (PFIS). O programa incide de xeito integral en persoas con suspensión de condena, en réxime de semiliberdade (3º grao e 100.2 do Real Decreto 190/1996 de 9 de febreiro polo que se aproba o Regulamento Penitenciario), menores con medidas xudiciais da Xunta e persoas con outro tipos de continxencia relacionadas co a comisión de delito.

5.- **O instrumento convencional que se pretende asinar fundaméntase no seguinte:**

A Consellería de Presidencia, Xustiza e Deportes considera necesario colaborar coa Asociación Érguete no desenvolvemento deste programa.

En atención ao exposto, e vista ás peculiaridades da entidade e singularidade e o carácter de ferramenta de auxilio xudicial consolidada do programa subvencionado (PFIS), estímase xustificada a imposibilidade de promover a concorrência pública de conformidade co previsto nos artigos 19.4. c) e 26.2 a) da Lei 9/2007, do 13 de xuño, de subvencións de Galicia.

6.- **Financiamento:** Para contribuír ao cumprimento dos obxectivos fixados no convenio de colaboración, a Consellería de Presidencia, Xustiza e Deportes aboará á Asociación Érguete a cantidade de CINCUENTA E TRES MIL EUROS (53.000,00 €) conforme ao orzamento recollido no Anexo I deste convenio, que supón o 100 % do orzamento do gasto e que se distribúen do seguinte xeito: TRINTA E SEIS MIL SEISCENTOS VINTE E CINCO EUROS (36.625,00 €) que se imputarán á aplicación





orxamentaria 05.01.121A.481.1 (CP: 2015 00089) e DEZASEIS MIL TRESCENTOS SETENTA E CINCO EUROS (16.375,00 €) que se imputarán á aplicación orxamentaria 05.03.131A.481.0 (CP: 2015 00089) dos orxamentos xerais da Comunidade Autónoma para o ano 2026.

Incorporase ao expediente declaración xustificando a imposibilidade de promover a concorrencia pública, de acordo co establecido nos artigos 19.4 c) e 26.2.a) da Lei 9/2007, do 13 de xuño de subvencións públicas de Galicia.

7.- Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico

Francisco Javier Abad Pardo

